

T5464/3122 (18)

34855

Faint, illegible text, likely bleed-through from the reverse side of the page.

對月有感

朦朧潞水心中月彷彿鍾山脚下人有意遲遲招盼
望可憐我髮已如銀

郭天民冒雪過我

敢誇古籍了胸中白盡髭鬚撥火紅一院纔飛高士
雪重簾又入故人風愧無多酒杯難醉幸有餘魚箸
不空賓館最清宜嘯傲况憑勁竹兩三叢

鳳嶠邀去同步西山野飲作

千村萬靄歸一澗半虹飛坐愛傳杯晚鐘聲出翠微



偶感

以筋畫爐灰相思致酒材偶因霞舉出隨被雪封回
天道猶然也人情莫怪哉一盆芝五色何日上瑤臺

同尹潛夫坐水牀至前門

飛光掠影榻經過笑到前門且放歌只借繩頭微力
引應憑木脚直情梭穩於走馬觀銀海輕似乘鳧渡
玉河想起張騫槎上傲悠然犯斗不須拖

秋日懷昆明湖右御史常樂亭

兩載離湖總未還何能同眺水雲間琴書薄我遊嘗

膽劍佩矜君諍犯顏夜靜那堪虫唧唧秋高况復鴈
班班蕭然坐破青檀冷且自呼杯醉月彎

有感

爽氣透雙眸看者似暮秋風侵荷葉老露濕菊枝幽

連累悲兒筆

阿瓊兒在部代友留
董幾字因公掛誤

孤漂想婦舟

老婦有信來京於四
月底工船至今未到

那堪

側耳聽虫語冷塔頭

風雨夜懷沈令聞東歸

淒淒風雨夜憶爾獨歸人忽遇油坊棹隨飛潞水輪

是日坐車到張家灣
上船東歸刻不停緩

心交從此刻夢破在明春七尺繩牀冷同

誰話苦辛

送金茂勳南歸

書牀栖老不堪云為唱陽關送茂勳
冷露正飄人欲去爽風恰透我愁
分明明水底搏魚陣隱隱天邊款
鴈羣世事于今多反側且開錢席
借花薰

花月夜懷人

明月浸花開花開絕點埃三分秋爽
起一霎夜涼隈憑券賒新釀題箋
竭老才懷人終不至何日破疑猜

書悶

為問誰知已茫茫宇宙寬開籠舒鶴
翅閉戶杜豬肝燈下書觀進杯前句
琢安可憐清瘦子無命枉彈冠

菊

舍英大如粟將欲媚幽人不以霜力
勁遂爾惜苦辛值此九秋時鄙俗羣
為倫亦知鑒余色誰能契余神余神
別有寄所寄寧華紳委巷有佳士謝
絕此風塵薙髮忘梳沐覆頂省葛巾
疏散余之性清瘦余之身所以相投
合自疑感夙因喜君罕他癖置懷惟
余珍歡然向余笑慷慨躬甘蹲扶余
思細行乞槌向西隣

稍乾識余渴汲井走東屯抱乃半甕水分酌似觴賓
膺情不報稱何以對天民

重九感吟

昔日題糕笑浪猜而今風雨滿城催牀頭白酒缸缸
熟窗口黃花朵朵開不必朋情諄藉草何妨客意算
登臺一聲飛過西南去鴈帶忘歸恨莫裁

書室閒吟

覓句不猶人况來潞水濱隔牆歌吹好臨檻色香真
月照伸衣皺風停拂帽塵明朝壩口釣欲得幾沉鱗

雨花臺即景

依舊高臺傍石梯齊梁勝蹟搃堪題山招雲霧天光
近城歷坎壇樹色低浩浩長江相映帶飛飛野鳥自
東西神僧說法原多事對景何勞費耳提

盧莊柳

不道盧莊柳青青似渭城柔枝拖石澗密葉蔭柴荆
繫艇曾無意招鞍却有情況當春雨後十里映花明

句曲小山

松柏凝烟石觀苔仙翁採藥破雲來靈苗一得休言

去欲煉還丹別有臺

過曹園留贈登五主人

剩有六朝天安居得自全
花開聯錦幔苔長疊青錢
金谷徒招辱芳園不愧仙
年年饒樂事忘却武陵烟

居山樂二章

天迴雲垂路山空樹放花
飛飛揚翠黛片片疊丹霞
洞府原歸我秦源豈在遐
隱居真受用絕勝五侯家
最懶超城市居山是大雄
雲深花氣聚樹密鳥音通
活水年年綠芳坡日日紅
成仙如有分僻地好飛翀

重九劉心圃徐墨池邀登通城文昌閣高眺

悲秋不出懶相宜二妙偏來笑
伏雌忙向隣家爭貫
酒追登帝閣賽敲詩良辰易逝
霜催鴈活景難留月

洗駟

城下有人洗馬於水月之中

落帽繫囊皆舊事于今惟采菊
枝枝

即事

剥啄無聞犬不驚小齋宛轉絕逢迎
三杯白酒空千古幾箸黃梁過半生
拈韵吟風飄逸興帶經鋤月長閒
情許多打算隨緣盡欲眠惟揉倦眼睛

卧吟炕上盆菊

醉抱炕花

炕工堆有菊花數盃
故云炕花

卧陶君來夢中承君不我競得

我似君喪非羨披莖綠惟會結子紅

武林有曹太虛好種菊一
起見大黃當心生一紅子三日

後大如櫻桃適遇周少夫來月下潛玩偷摘食之便
乘風仙去太虛於此時始悟菊實乃神仙物耳

晚香香直冷裏被認樞風

自笑

一生無賴好吟詩每愧才疏得句遲
妙景眼前將不出清秋心裏繫於斯
杯深止令聽橫笛鼎沸操瓢閱
覆碁抵掌推敲人暗笑豈憐吾亦笑
吾痴

弔黃金臺

被髮登臨俯大荒金臺遺跡隱斜陽
可憐召與無裡

祀何忍荆軻越大梁沙草榮枯驚
紙連石花開謝感時忙幾經龍戰
平如洗月照蘆溝水更黃

秋思

漫怪平空動旅愁昏綠對鏡老成仇
懷人目送排雲

鴈望子神交喘月牛

瑞兒現惟
天殃故云

家在江南城北住事從畿

內海邊謀

余居停與
東海相近

何時得似楓林葉紅透層霄十二樓

書况

渾如花片下高枝忽落杯中忽落池
點染文章千客賞飄流事業萬人嗤
春光過矣香空院秋景來哉色

滿籬自古繁華終寂寞敢言天地獨余私

南窓高卧

高卧南窓下悠然若有思所思不自解酒熟莫教遲
入夢人逢古輸心事應奇寧關耽睡癖又是一希夷

漫興

笑余活計作何生不共花盟共酒盟池畔籬邊堪寄
興甕前車上可陶情折腰鄙事憑他好覓句幽思任
我繁富貴百年皆是幻肯將休咎問君平

曉飲玩菊

清晨便舉杯舉到籬邊去榮辱有何驚窮通無足慮
移花花不嗔折花花不怒碎黃金白姿須我醇醪助

寫懷

仰面若有思低头長太息恥向鏡中看惡此愁顏色
為詩幾萬言何如力稼穡羨彼壘斷兒孳孳謀貨殖
蠢婦蒙縞絺頑童鄙肉食我具清瘦身胡為書中匿
書中匿六十年奇才愛煞李青蓮醉後不識有天子
揮洒翰墨如雲煙清平調就龍顏霽許我遇庫支酒
錢老農販夫聲唧唧相逢道上爭抑抑我輩勤劬足

温飽不似此老快胸臆

秋夜對月閒吟

昨夢宮嬪授錦箋
囑題新句好朝天
一輪明月窺牕外
千朵黃花笑檻前
中酒難分清濁味
開籤得究短長篇
而今活画鴻飛影
直薄王維住輞川

雨中菊

雨洗菊幽荒
思傳飲水方
殘飄詩欠穩

王介甫黃昏風雨打園林
殘菊飄零滿地金原謬

從鞠字相當葉葉明
流碧花花冷
互黃登高節已過
持盞採盈筐

題梁贊皇画雪山歌

記得年時訪幽僻
雪封古道無行跡
一帶迢迢卧玉龍
蜿蜒穿過松林去
松林暝氣黯連天
孤村疑在有無間
遮斷山腰似束縑
半餘空際出峰尖
欹欹千尺皆銀鑿
石稜凸處風吹破
靈雲吹送瓊官過
素纛寶幢懸不墮
九天開出白蓮花
欲窺根蒂尋無着
噓噦乎我心寄神嶽
塵眼誰能知卓犖
十年浪走熱長安
至今想來六月寒
友人贊皇梁氏子
為予寫入画
中者

春日過王卓夫山房

風景供山房春生几硯旁何須馳碧幃不用拂紅韉
苔寒朝雨滑草暖夕陽香妙色偏親我就隱開海棠
月夜同徐蔭華何星泉重登城眺望文昌閣外

分賦

同人又嘯敞層閣無限檣帆過柳衙煙水閑眸惟宿
鷺月天闌耳是鳴蛙不思權柄人磨墨只想逍遙客
泛槎首宿滿城青可採採歸下酒話登遐

對花吟

凭牕對花坐無語暗嫌猜我把三春錯花呈萬艷來
既錯何能換艷者鼓心催借杯聽天籟就月抖詩才
不忍今宵離橫琴卧一堆

賦得櫬梧嘉木

得生字五言八韻

龍門梧百尺不類衆材生着乳巢能致卧寃坎自明
神農欽削器武帝笑飛觥燻下知音得邸中樹植精
高枝鸞靜立密葉鳳和鳴已見華陽製仍聞驃國營
井空多雨潤甕置有雲行一被

皇恩擢賢良喜上榮

曾剪為圭戲政修梧自生玄谿增險托齊地起宮成
是木難挪斲他材易作笋應時花簇簇逗月葉菁菁
獨異淳於氣中空暢乃情鷓鴣飛北海石鼓響臨平
乘火千瓢實用賢百幹榮須知山壘處列種似雲城

夏日有感

世事未能諳何勞捉麈談一身栖地北两眼注天南
每悔名室好方憐句飽參榴花開滿樹日落更紅酣

月下坐花作

月浸院中央無窮笑語香紅巾牽菊婢翠蓋引荷郎

欲酌魚頭酒先烹蟹眼湯從容消受過一枕是羲皇

賦得桐生茂豫

得亨字五言八韻顏師古有曰桐讀為通言亦皆通達而生也

炎帝司權日飄然萬植亨將黃惟麦浪已綠乃蕪城
鷓鴣村帘活鷗飛水鏡明逗凉諳柳榭避熱醉松棚
嫩竹森森影嬌荷疊疊情是園蟠郁李何壘絕蔓菁
雨洗榴裙濕風牽荇帶橫因逢行

慶賜品類樂昇平

午日飲於潞水培花書屋

當年伯始寄葫蘆流落江心得正塗就席將嘗九子

稷開襟且繫五絲符榴花有燄蒸蘄艾萱草無言倚
石蒲競渡秦淮惟第一教人爭不憶飛鳧

賦得夏雲多奇峰

出岫紛紛不肯離層堆密布影參差擡頭我認丹丘
定轉眼誰從碧落移似決淵源驅虎豹如營宮闕點
龍螭瓢中今註符陽景玉葉金枝籠月規

雨涼偶感

風雨湖亭弄筆尖

昔夏會詩文每集莫愁湖天然亭內荷香十里
柳綠千銜况多風雨清涼至極宛似三秋

如花兩婢

送衣添

春蘭秋桂
不知何在

當時情事今相左透骨涼來酒自拈

不見長風扇暑天時來石燕舞隄前可知單板孤眠
客無限淒其日抵年

對新月口占

為問娥眉何日團銀船斜渡玉河端似憐人怯黃昏
近早送清光到西欄

暑日自叙於天橋灣荷花香處

刺眼是刀鎗開耳是管籥不學人猖狂別有真領畧
詩賦三百篇酒飲三千爵醉起小空船韻即借船脚
蕩入水雲鄉紅衣隨手搏不見贈瓊環清香吹不落

鴛鴦揭鏡幃雲霓飄眉索何須憂困窮只宜重開拓
試語諸同儕剛強積柔弱螳螂慣捕蟬捕螳還有鵲

曉起對花得四絕

晨起臭花氣濃濃露濕衣可知瘦削人另自生風味
花開笑糊口使妻向北走十年生別離而今將握手
典盡萬金產只為揆花眼無奈命蹉跎讓人持笏板
一階紅碼瑙呼童細細掃如將擁糞堆恐惹花神惱
隄前荷放喜而賦之

露釀明珠忽倒流儼如濯淨舞衣油朱欄夜倚楊妃
醉翠輦朝乘楚女遊魚跳香間強一鼓螺行水底傲
千舟撤燈送返衙無望且啓南牕嘯暮幽

撫松謔

拚醉偏醒醒防礙身欲出門足且退仰面窺天恁青
青無奈四旁不我對富貴窮通賦厥形如何今古多
奴輩斬之不盡成鼻蠅交亂營營聲作碎幾回住劍
倚空亭亭外無端犬又吠吁嗟乎帳有紙兮繩有牀
胡不眠之養自在神遊六合至無涯還向青齊陟泰
岱半竿日出本扶桑三島雲蒸鬱鬱靄靄高聳摩天秀

有松洗盡塵容化俗態可耻秦封早不堪貞心勁節
傲氣概在地從來土不肥居下自古草難薊妄憐楚
楚轉傷庸激得吾松生怨慙有枝卷曲似搔頭有幹
玲瓏似剖內躬環鱗甲戰風霜寒暑難侵忘朔晦時
變伏龜時變牛肅肅騷騷無邊塞百木為宗樂一丘
根深蓋偃千年耐微風一觸即談枝直警輕狂明教
誨嶧陽桐梓漫誇材豫章榎楠漫求愛彼此相形絀
莫遮倏忽失却神仙妹覺來猶自氣冲冲感慨曷勝
余心痾君不見禹貢昔稱時怪石稜稜方匹配

長至日坐潞水研露草堂漫賦

化工消息甚尋常肯怨寒威不可當人自否真應轉
泰天由陰積已迴陽森森竹葉千枝動點點梅花一
樹粧且引吾徒娛景物細煨榾柮待春長

僧舍對望江南作

識得拈花意修真搃不難江南何必望咫尺透長安

西師奏捷

大將西征擁節旄不離水遠與山遙貔貅日下軍容
肅鈺鼓雲中虜氣清捷奏金川歡溢地師還寶闕喜

盈朝投戈解甲敷文治從此邊庭化雨飄

池邊柳

春柳條條發輕歌傍水湄長亭防恨擾曲沼覺情怡
學釣垂青線牽波挽綠絲才多還起絮飛舞過龍池

川上吟

一水滔滔日夜流明明德體露川頭世人多向川頭
過誰肯參詳仔細修

若肯參詳仔細修無從遠處覓來由尋常日用皆川
水慎獨工夫踞上流

雪聲

飄然滕六擁重帷簌簌泠泠似索詩竹裏壓深時解
籜松間積厚忽彈枝愛姬罷煮龍團聽卧客忙披鶴
氅窺無限幽求堪入調一天騷屑半空飾
近爐側耳坐齋中不去尋挑蹋地菘一院橫行千石
蟹半臙亂撲萬沙蟲連氛纒靄調周道掩日韜霞韻
太空耐我思量書再讀灞橋水勢與天通

憶少年

自憶少時狂常開風雅場代僧簪木筆携妓聽松簧

鞭湊鷹爬兔囊傾虎啖羊

廿年前 皇上巡幸姑蘇予隨簡齋袁夫子接駕見備圍處有虎人人爭買羊以喂予亦隨之

于今逢勝事無奈髮蒼蒼

賦得潭樹暖春雲

得飛字

東皇臨水處樹起活鮫飛一曲甦枝軟千津釀葉肥
鶯藏聲宛宛馬繫影依依不究何年種只憐此日輝
移舟舒錦纜倦釣枕皮衣茂矣舍詩意挺然入画機
倚來休感昔撫去可忘歸浩蕩

恩波澗無邊翠作圍

春日携墨池徐四兄出通州北關散步至大光

樓暢飲而歸

愁來日抵年出郭睹爭先岼綠橫新葦沙黃沒斷梗
標义人得懶倚棹客彈鳶即此醪醕好樓頭醉月圓
喜相公廟和光上人贈予天橋灣藕三枝隨我

缸內作

不期方外友贈予三枝藕言自北關來天橋分所有
多情真佛心化俗成吾偶洽有嘉密缸空空在塔右
忙呼兩奚奴汗泥挖數斗立護雪冰姿恐落清明後
裁成酒一杯奠之還稽首願出小荷錢浮水綠映柳

願出大荷盤擎露珠如走願開十丈花以壓羣芳醜

清明同劉心圃出新城南關散步有感

清明得句遲隨步只生悲楊柳依依日杏花漠漠時

先塋形不見客子淚空垂試問麻田草

麻田在江寧聚寶門外離城十餘里乃余之先塋地名也

于今幾別離

自况

壘石起嶮峨為降睡入魔花間看蝶舞月下聽蛙歌

寂寞春秋足歡娛旦暮多可知余自况落筆似懸河

賦得垂楊深處有人家

垂楊深處有人家得得尋來興正賒牛卧古根袂萋

濕鶯旋高榦酒帘斜絕思釣月開萍葉忽見炊煙出

杏花綠汁沾衣多潤澤

聖朝何地不桑麻

二月廿四乃內壽日也恰夢來舟正泊揚州廿

四橋頭過壽喜而一曲醒而記之

廿四橋頭景似繡夢妻坐舫逢其壽燕舞情深柔草

鬪魚飛意活新萍湊帶雨平山山更秀經風曲水水

全敲

平山曲水俱是揚州勝跡

二子

想瑣兒瑤兒在舟中必有捧觴叩祝之事

捧觴依左右野桃花笑

仙萱茂

月夜同劉心圃酒後散步

典衣沽酒甚匆忙不計飄流興自強詩學少年成叟
白經窮深夜起兒黃無言花鬪風千片有致松招月

一方

壁上有墨松一幅月
門時更顯盤錯

醉後那憐心圃倦還牽遠步到文昌

清明後偕徐墨池登文昌閣遠眺得四絕

一雙蠟屐一枝藤伴我登城想右丞好画清明以後
景烟拖雨洗碧層層

文昌閣外好觀瞻潞水風吹翡翠簾可喜奚奴知我

量帶來酒足不須添

蓮花

寺名也

鐘韻冷機關似度浮雲去復還此刻三齊船

抵壩看看小米亦成山

指點燕城列錦屏紛投車馬幾人醒斜陽落處山魂

紫芳草眠時詩夢青

閒吟

望山問水一詩筒得自天台採藥翁蝶撲花間忙吸
露鳥飛竹外細吟風何須釣譽爭鐘響甚好逃名樂
鑑空書引眊來隨感夢新莊新米出新龍

新莊乃余之江浦莊
名也在土橋湖之南

春暮喜黃應隆招予過常園得二律

天然布置宜幽境已成竒四隴吳山画一亭潞水詩
笋生雖蚓悟花落打魚知借坐盤根石高風若有私
先生肯獨歡一笑當氏亭名納吟安藥許魚龍試花交鶴鶴
看飛塵排鼓吹響玉出碁盤更想凌毫妙墻頭過艇
竿

掃地

掩卷隨持帚聊將午倦驅龜紋防有斷蟻命恐無辜
不必勞童子何妨累老夫東風心各別愛剪亂紅鋪

山中鷺飛

飛入青山峭且深雪衣相映繞空林信他不返安筌
處可死窺魚一片心

題觀瀑圖

崖似昆吾寶劍切一人仰面看飛洌必疑石補也應
豎何以天河漏不絕

風夜夢醒偶成一絕

夢裏停舟又上車故鄉迢遞眼巴巴醒來猶卧徐公
榻只聽狂風撞幕遮

冒雪坐冰牀上京憶程伊人先生

清水托住寄身槎白雪飛成過眼花共飲伊人久濶
別不知絳帳掛誰家

雪月歌

白雪光如明月幽月碾寒空雪滿邱沈三家有玩梅
樓日放水晶簾不抽雪易融兮月易缺時讀堯碑並
禹碣簪纓那足動予心推敲雪月清晚節月兮雪兮
未必知欣然為爾脫巾歌澆盡甕中呼雪月同醉長
安豈是痴

通州接家眷上岍

不怯浪風威妻兒出柁扉南來抵潞水北住上京畿
且漫商心見惟忙向指歸一家離十載此日始依依

醉後自解寄兆璜二兒

風拔離山復水漂妻携兒行棄家而來北地舟雖停而人未上岍已罹其殃甚慘甚而今得酒飲千

瓢誼留賦類曾憂鵬賈誼因鵝飛入舍遂拈筆作鵬賦矜怪其故泌謫蘄州尚聽鴉

李泌謫蘄州夜聞鷄坐中有章邯中聞之泣下李曰此鳥聲可聽坐客如有不聞者罰以太白由是聽之不厭天寶中時事順受無違天所命

初遊有數禍斯招璜兒初出門北上在舟誤買盜賊被總漕掣奏在案不知何日結案吾兒非罪難辭

罪心曲惟宜放廓寥

秋日坐潞水培花書屋適夏煥章持花飛燕舞

圖索題

花飛燕舞兩留連似把閒情寄滿箋
剪碎紅羅飄作雨錦攢墨羽化成煙
往來煩苦知誰惜脫卸芳鮮祇
自憐妙手持歸春暮景暗中已遞困人天

閒吟

奇花瞥見肯遲拈拈起何妨插帽簷
燕出引雛旋別墅蝶來尋友過疎簾
多情水鏡容吾拙有致山鋒妬
客尖不問故鄉田舍事惟賒酒醉直呼添

正月初三祝程爾常先生壽得終南四章以獻
之

終南何有奇巖秀壑雲覆瓊芝露
泚琪萼承筐是將綺筵交錯肴核維旅麟乳維酪

終南何有蒼松翠柏津液千年化為琥珀
追琢卮盃酌我嘉客金仙載陳拱持玉帛

終南何有其條其梅令儀孔昭時篤時培
仙掌注酒酌以金罍方瞳寫髮丹顏若瑰

終南何有維紀維堂淑人君子扶杖徜徉
子子孫孫

就養無方天祚明德景福無疆

對花吟得二絕句

晨醒即趨庭殷勤一致慰夜來我獨眠夢感君知未
否極泰應來循環誰爽約明春如有情沽酒還同酌

喜同硯謝我同簡余以詩首句云家鄉親友可

相思若有相思寄我知予即承其意以答

敢云哀朽竟無思一種深情繫故知漫把虛懷披白
袷惟將清夢隱烏皮啣杯淮水誰同醉作賦燕山我
獨悲詎意雙魚貽尺素珠光璀璨是新詩

清河道署中寄懷香泉妓

憶從相見兩相投多少風流不自由莫道無緣離海
岱尚期有夢返蘆溝花藏玉洞香猶暗酒泛金甌色
更浮我却未清脂粉債恐他薄幸損溫柔

冬夜聽陸壽官鼓琴

如君才調獨稱賢韓偓志托絲桐興洒然薛逢清過九舉

聞鶴唳羅鄴響同三峽瀉流泉宋無絕聽白雪翻宮意殷堯

又逐薰風入夢絃劉長卿我亦寥寥知此趣范石夜寒應聳

作詩肩蘇東坡

旅思

春水溶溶滿鑑湖太不鄉關音信隔年無韋莊雲連綠樹

山橫楚張喬氣秀青天日拱都吳筠故館又歸王謝燕石召

客途只跨趙高駒元結別來親友知誰好譚用之招得詩狂

作酒徒黃山谷

自嘆

走馬長安屬少年不教老壯遇奇緣欲將瑪瑙生香

甕抱入西山作枕眠

春日作官解對月吟

解栖無個事清夜更淒然孰奏分光曲撩予總不眠

三春皆有月今夕最先圓未許離人省無端覺可憐

舒禹弼索贈陸壽官鼓琴

儼然一個小癯仙抱出絲桐是七絃指甲未招來舞

鶴曲情先令住鳴蟬可知絕代陽春技盡展驚人白

雪篇聽罷渾忘塵俗絆願隨薇軫卧松邊

送朱玉山之蒙城幕

昨冬一見識豪雄政事文章無不通別緒好傾清苑

酒送行先話蒙城風判行體恤芸窗久主治精嚴幕

府工際此新年天氣暖梅花香接路途中

春風扇微和依友人小試韻

春至韶光麗風生淑氣和
驚梅初爛熳披柳漸婆娑
土軟苔回滑冰開水欲波
早翻南苑卉暗撲北堦柯
起候魚能化知時鳥得歌
吹噓乘

帝力格被意如何

重陽同陶懿好携麟玉窰臺登高作

現沽黃酒不須賒為問吾徒可見家
席地霜威凌落
翠壺天風勢逐飛沙四圍蘆浪三江濶
二里菊坡一

徑斜何必陶然重帳望醉眠臺上聽琵琶

冒雪訪何南蔭承款留於怡蘭書屋夜話後逼

聯長句

圍爐清話夜如泉東 句句由中絕黨偏活火煨水侵

雀舌南蔭 好香透鼎藝龍涎手談一局輸三子東 興寄

千竿勝七賢披覽多情勞遠訪南蔭 撒鹽無意續長聯

梅花亂落松扉外東 柳絮紛飄竹閣前暖出散裘吞

酒力南蔭 明生列炬抱經緣倫箋現劈摩驚送東 蕃榻

諄教罷解懸待旦跨驢遊灞處南蔭 嘯同妙舞樂

堯天

坤東○共聯成
一十六句

客館對月感吟得三絕

獨卧繩牀嘆奈何
玉簫聲斷不聞歌
夜深冷落誰為伴
一畝宮前月色多

不言不語倚闌干
咫尺相思千里難
安得夢遊蟾窟裏
花邊同訴兩心酸

天上行雲斷復聯
十分冷碧動人憐
况逢今夜團圓月
更覺無聊在枕邊

秋日同舒禹弼蔣端揆至法源寺看菊坐靜室

忽聞嬰兒啼哭聲
促予賦之

為撰黃花到法源
祇林深鎖海棠魂
暗陪衲子將杯渡
反與兒夫離枕溫
不避嫌疑忘戒力
何能解脫了淫根
一聲嬰哭驚遊耳
欲毀禪堂叩

至尊

舒禹弼以十六字為題索賦名之曰佳人二八

情一嬌

明珠在掌耐人看
似病如愁態幾般
曉為撰花傷露冷
宵因戀月冒風寒
柔膚着指招還破
弱體嫌衣重

未單曾記緊隈香被裏最憐惹得淚闌干

二羞

恰如春透海棠枝紅上雙腮媚轉滋含睇還教遮扇
底低頭却在避燈時分明眉語何無語畢竟心期便
有期繡到鴛鴦先自掩凭般情事恐人知

三嗔

素容陡覺變紅顏兩字無情恨萬千片紙迷離都是
假一心反覆不能堅詈來小玉催宵饒打去啼鶯促
曉眠莫怪嫦娥奔月窟獨居終古傍青天

四愁

空閨索寞少精神方寸填成似病身訴與菱花終莫
解對來明月轉無因白頭未老文君髮翠黛常凝西
子顰桃李開時翻惹恨只緣心地不曾春

五泣

為誰憔悴怨難勝淚界朱顏兩道承多少鮫珠凝粉
帕淋漓鴛枕濕紅冰如潮到曉浸明鏡似雨終宵滴
細燈今古齊燔悲不盡應傾東海瀉成渾

六癡

楚花漢草尚留英
安見人心願不成
死去連枝猶合
抱望來化石不虧盟
縱教此事終無益
再結他生更有情
清磬長齋非奉佛
買絲直欲繡卿卿

七夢

擁衾恍惚倒牙牀
見我良人天一方
漾漾魂隨芳草
綠飄飄身逐落花香
鴈逢代北寧知遠
路到遼西未覺長
散盡相思秋水外
漫為蝴蝶化鴛鴦

八笑

傾國傾城向我嬌
融融如液洽春泉
風流值得千金
買巧倩都從一盼傳
玉貝瑩同罇雪艷
朱櫻破欲滴
紅鮮誰能心上安
斤鑿淑意濃情不可鑄

九醋

尹邢相見豈相遐
瞞昧誰從暗處拏
玉面帶霜迴月
淡珠眸含雨渡星斜
青瓜已熟紅瓢隱
白水全通烏賊遮
重詰檀郎詢粉婢
有人丰調更如花

十醉

千里歸來共一觥
離愁頓解樂無央
煙歌翠態酣楊柳
露軟紅情膩海棠
恬雅專同醇可飲
溫柔合并醉

為卿華清夜半如相召未必當時獨擅場

十一慵

今朝何故忽生慵亂挽青螺髮尚鬆鍼線愁拈眉宛
轉琴書怕對意惺忪午茶不解非眠端卯酒難消豈
醉濃春透四肢全是軟怪他昨夜太欺儂

十二病

衣摺新痕卧起頻無端少喜似多嗔細腰和柳長垂
帶淡致欺梅迥出塵寒熱遞加成反復春秋易感足
酸辛何妨瘦到伶仃候不是相思為別人

十三憐

天下鍾情宿世緣千金匪重石非堅淹心蘭露明明
湛串體藕絲密密牽一死相酬寧了願半時不見已
難延雙雙共入瑤池水化作鴛鴦亦是仙

十四浴

絕妙香泉別有溪蘭熏蕙浣却巾笄洛神蕩漾情何
極水氣氤氳魂已迷一朵仙蓮全濕露滿池玉藕不
沾泥偷窺暗揜即無賴羞得難支手下臍

十五妝

七尺烏絲玉手搗碧凝秋水啓奩函何勝自賞魂先
斷不顧人看眼太饒鴉髮濃堆雲歷岫蛾眉淡掃月
臨允願為菱鏡常相映杏暈桃容此內嵌

十六吟

藝林落落少芳徽學士于今出女闈韻比秦簫調律
呂製成蘇錦轉璇璣舌邊蓮吐櫻同燦指上花生笋
共飛鴛枕並頭綃帳煖聲聲唱和到晨暉

賦得荷淨納涼時

酷蒸思避處泛入水雲鄉露冷荷同冷風香我亦香

游氛沉滌蕩清氣散微茫起冰壺坐如依錦帳藏
三分秋得借一派暑難狂倚笑無聲艷凌波有色莊
醉來眠藕艇歸去折蓮房消受亭亭夜悠然魂夢涼

友人以破扇索題二絕

破箠已過時美人贈恐遲風流雖頓減勁骨自支離
想其半月妝驅暑作清涼且漫成拋棄餘風尚可揚

賦得三月正當三十日

循環無已是天時不信人間有別離怪底閨仙容易
瘦苦吟今夜送春詩

送焦十一南歸京口二律

君同我不二躡蹠在長安何事回家急都忘行路難
西風侵反旆秋月籠歸鞍握手消魂處河橋柳色寒
話別酒頻添不知月掛簷貧還能濟困熱豈復趨炎
驥德寧閑足龍泉欲試銛金焦秋正好千里浪聲恬
和友人月下同敲驚俗句原韻

明明如月是知交調壓雲璈入夜敲忽倚瓊樓澄海
面偶臨玉宇接天梢彩毫動逼蟾光舞錦句紛隨桂
子拋俯聽人間皆蚓唱望舒含笑結璘嘲

秋柳二律

豈似清明軟掛村枝枝葉葉帶愁痕風侵飄蕩難回
首月透淒涼直斷魂瘦榦憐鴉翻楚館寒條伴菊近
陶門玉樓金屋春何在猶剩纖纖媚眼昏
千里離情千里村未霜已減翠眉痕章臺夢聽飛蟬
咽灞岬愁招立馬魂風利官橋低覆水日斜漁舍暗
遮門更誰一笛吹關塞漠漠黃塵烟影昏

秋海棠

漫說嬌姿鬪麗春何如秋艷更憐人芙蓉碎暈真真

醉蟋蟀愁聽小小顰啼鴈無心驚睡足流螢有意照
妝新西風却笑東籬色空賦閑情落後塵

竹外一枝斜更好

梅開當竹外疎影更參差雪壓成斜勢風生透好枝
穉疑侵玉骨林若護冰姿色映遙蒼野光橫近碧池
原宜環屋種何碍隔籬窺對此多佳興情隨數點移

買石榴栽

赤日烘開色正賒買栽旅地近窗紗一時老眼窮千
卷五月當頭照百花裙妬佳人應共艷種移安石漫

須誇醉來即卧芳根下被裏紅雲枕綠霞

中秋同友人分韻

清秋值半夜稱長六字無塵賦客鄉蟾窟推輪先展
鏡桂宮舒萼自傳芳千家士女千家色萬里山河萬
里光我未入闌持筆戰何能天上姓名揚

菊吟得一古

花待重陽年事好重陽待花花事老明日黃花已自
憐况經數日猶撰討客歲幽芳濯露妍重陽放出菊
花天小米登倉冬不冷大家相慶是豐年我望今年

花更盛東籬醉倒稱酒聖醒來仍復遶花間翠莖金
盞看無竟彭澤仙風不可招民安物阜賴花饒重陽
果發千千朵不佩茱萸悶也消

贈湯道士

丹臺早註名故爾更多情別選翎為服耘鋤草作羹
登仙君自得在客我徒營計日應昇化相期踐素盟

寄懷李大分麾

每誦壁間句思君特地深道塗開邁疾日夜遠關心
衙鼓山禽散官書月燭侵郵筒寄來信珍重勝黃金

芍藥

當堦翻舞豈庸才信是花王特詔來露恨將離留殿
後風知相譴禁遲開不能百寶欄杆護也壓三春錦
繡堆對此正宜招韻賀紅光布滿綠莓苔

天貺即事

天貺清明豈泛常皇州氣象更輝煌星圖旗幟空中
展龍繡衣裳日下張梵剝開經防剝蝕官河交流任
顛狂太平節序從來順物態人情總向陽

秋日同陶懿好二開小飲

痛飲旗亭酒者日已西蘆翻黃雀翅波逐紫駟蹄
斷續砧聲遠扶疎樹影低試思高北甸不亞武陵溪

豐臺看菊二絕

閒踏豐臺路夕陽連矮屋多情黃瘦花掩映我秋服
遲開霜裏宿怕惹遊人目採得數枝回冷吹香馥馥

對舒練亭廢池有感

凭欄曾記課功時秋色溶溶水滿池一點靈根歸大
海二年幽恨付荒陂魚龍自化風雲去楊柳猶存故
舊私世事變遷何必問任他藤蔓豈生悲

暮春感懷六言十首

客眼未逢花面怎知春已過三塞鴈歸飛不絕聲聲
猶帶江南

無書常使妻念有書更使妻嗟昨夢老妻顏色東風
兩鬢梨花

咄咄功名悞人空空囊橐隨身縱使明朝得意其年
維暮之春

手種後園小杏別來想過樓頭何況樓中杏臉有人
怨未封侯

索居那得無愁覽卷亦時有喜便欲相見一言却忘
相隔千里

此際風塵自揣何如花鳥同閑寄語故鄉知己出門
只可尋山

淚厠空依劉表傭身欲學衛青不管一身淪落還憂
四海生靈

美人招我上巳春水帝城西曲也教履墊殘紅更得
衣沾新綠

春色撩人不淺試聽柳外黃鸝喚起春陰一片遮來

御苑牆西

琪園五色靈瓜未遇仙人齒牙打點收書萬卷跨驢
歸入桃花

贈陳養源二律

風骨自昂藏栖栖在帝鄉隨身無寶玉名世有文章
藿食羞言淡萍踪樂處常五車書讀透絕不作炎涼
從來賢達者不遽得功名學自貧中富時因困裏亨
風雲當際會雷雨任縱橫此日長安道須知寵辱驚

春日訪柳園季子王端士幸開口誦新句一闕

獨抱月明中不覺茅塞頓開即借句以贈之
昨年賣字識王公今日追尋在郭東未問何為先唱
出一闕獨抱月明中
一闕獨抱月明中心著青天氣吐虹不是讀書為將
者何能閉草號彎弓
天哉天地是牢籠南北東西走不通莫若承恩循分
職一闕獨抱月明中
一闕獨抱月明中不附榮通不醜窮足見先生遊宦
海能防宦海四方風

春雨如膏

霖霖荒蕪潤敷時萬物生迷離通遠浦黯淡濕空庭
洒草抽新穎滋花吐嫩莖微微經雨重細細落風輕
百谷乘陽折三農兆瑞成謳歌稱

帝力大塊遍粘滌

食蟹

秋隴如雲稻子黃無腸正好佐詩觴仙厨玉髓分千
隔紫府丹砂貯一筐鮮絕齒留薑穗辣剝餘手浣菊
花香文章妙境還同此滋味須從曲折嘗

西山遠探

偶愛一峰秀穿林幾陟攀松風鳴淅瀝澗水答潺湲
煙遠山容淡天空雲意閒幽花香小洞得趣不知還

擬張平子四愁詩四章

我所思兮在春山欲往從之路漫漫東風花落小闌
干美人贈我紅櫻桃香漿暖沁珊瑚膏月華如粉思
迢迢綺桐一譜離鴻操

我所思兮在瑤臺欲往從之隔塵埃南風雨過一度
苔美人贈我同根竹翠珥紫珩交似束寸心滿貯愁

千斛淚花零濺盃中醪

我所思兮在秋水欲往從之河瀰瀰西風浪逆金花
鯉美人贈我白芙蓉真妍謝盡粉鉛濃日晁湘簾紅
暈重香來襲睡曉惺忪

我所思兮在金谷欲往從之悵叢麓北風雪捲瑤山
綠美人贈我一枝梅珍珠含笑蕊嬌開徘徊白鳳雲
之隈還逐簫聲入夢來

白燕二律

不是烏衣舊日姿風流雅屬淡粧宜飛穿蘋葉鷗相

妬舞入梨花蝶自知補壘香泥污縞紵
娟紅粉翅起胭脂盧家玳瑁梁誇麗應待翩翩玉羽儀
誰家簾幕淡春暉柳絮風中瘦影微晉相堂前颺玉
珮漢皇掌上舞綃衣繞梁欲逐行雲去照水羞同乳
鷺飛眼底芳菲無足採琪花深處帶香歸

詩債

戶外紛紛履跡連書生却似欠逋錢
悔從天上偷瑤秘謫向人間償錦聯
夜亦比排休月步春偏趨逼到
花筵奚囊紙券年年滿苦結千秋不了緣

見謝若愚書字異而贈之

怪君素不談書法一旦書來書便成
煙外仙姝坐寒石風前古樹舞春鶯
生金不少初離礦敗鐵猶多可鑄兵
近代紛紛工軟媚難將真氣與君爭

梅花八律

流水桃花屬後天杳然洞壑不知年
無言獨立煙霞外有句都歸色相邊
一點真機原太始十分淡味豈枯禪
孤琴在抱憑誰寫欲買山陰訪戴船
幽窟探來一徑賒客無行跡鳥無譁
半枯老樹自生

意新出幾梢都着花光怪恍疑簪佩古蕭疎想見仗
巾斜當時黃綺人如在水曲山隈韻未遐

當年曾問舊山盟暖起元宵天氣晴荀令衣非薰冉
冉何郎面豈粉盈盈杏花尚早方歸鴈楊柳初芽未
轉鶯記得柴門臨水處淡梢暝色幾縱橫

自從謫下就塵居幾度巖風乾尾閣久別已忘三島
路相思不寄九霞書清魂幻去胎迦葉瘦骨傳來函
望舒為問移家何處是靈峰四百一茅廬

恍惚臨風巧笑瑳葉宮仙子意如何新妝亂點青螺
鈿映水斜披白鷺簑惹得江雲迷野店襯他茅屋晒
陽坡但須載酒從之隱醉枕葫蘆夢亦婆

占盡天然問女夷松心筠思半相知尋來隔磻疎偏
好探到懸崖敬最奇公子猩帷金鵲尾佳人貂勒紫
駝尼都歸石火星星散紙帳于今夢覺時

紅塵舊已謝相侵霜色新添苔色深樵悴江潭休認
屈逍遙湖嶼漫偕林久無流水高山調獨有長年太
古心最是雲封靈境杳一聲樵笛下嶽嶽

閨苑移栽傍古潭不勝清臭入書龕蒼麟老矣羊脂

在白鳳吐分雞舌會吟弄半生空冀北風情一段占
江南鶯花此後天倪少山已回青水已藍

哭朱允恭

二三知己舊知名准擬重來續好情燕市那堪無我
伴泉臺為問與誰行詩墳鬼唱餘荒樹茗社仙飛冷
潔鐺每見際春追往跡泫然不覺淚同傾

山雞舞鏡

獻舞覲天顏山林技已嫻華禽攄旖旎明鏡照爛斑
空下玻璃隔望中羅綺殷誰堪分繡獨欲占丹山

朱雀朝陽逼金烏出日慳鴛鴦團錦隊鸞鷲合花班
迸彩交光處忘真認幻間並先寧肯後競往孰能還
逐影生群動鍾情本一般風揚干羽奏雲會袞衣間
勵翼明珠水依身想貝環如輪呈舜日五色鳳毛攀

和友人咏紅梅原韻三律

詩塵掃却十餘車漫把珊瑚比石家月冷村頭幾點
火雪晴籬外一梢霞問香未許桃魂亂認艷空憐鶯
夢賒誰笑寒牕猶索寞朱衣第一占春華

何處幽香勝揭車稍濃萼冷傍山家高情對雪初酣

酒仙骨離塵自帶霞古艷致宜庭竹起橫斜
韻歷海棠賒無端却被東皇悞逼起丹心報歲華

陌上猶遲油壁車不知春在絳仙家
醜顏冷醉蓬萊月香頰清餐姑射霞
卸去縞衣原自潔移來錦幄豈云賒
只緣淡泊難空色又入東風感麗華

種小樹

不肯失生意種之有尺陰他時沾雨露
峭拔自森森友人為時貴寫扇頭
綠萼甚佳燈下悞染紅色一枝索予詩以解之

綠萼花開冰雪姿苔封老石自離奇
所嗟古淡無人賞故把紅梅襯一枝

飲酒一古

衆口本難調五味原相左人以酒為非
我以酒為可瓊筵若罷休神仙亦散夥
風花雪月前好是如泥坐奇方恨失傳
苦憶劉白墮君不見榮華等戲場浮生
寄石火若笑典春衣且自開眉鎖又不
見乾坤無醉鄉愁來何處躲

賦得山意衝寒欲放梅

山靈無奈雪霜寒
終動葭灰意已寬
偷向林間滋綠
萼潛從橋畔試
紅丸羅浮入夢
憐香瘦艷曲傳
聲惜影單惹起多
情何水部淋漓
佳句溢毫端

清明有感得二絕

燕語終知寒食過
清明又到惹心酸
可憐花信江南
暖獨我來都冷

父棺

無人不入齊墻裏
是酒都澆趙土前
願作紙錢飛作
蝶好憑雙翅到麻田

山莊自解不計小人讐信口十絕

不計小人讐因者好鬪牛
雖然雙角利那及一繩頭
不計小人讐騎驢訪舊游
將鞭橫作笛吹過幾山秋
不計小人讐閑情洗俗眸
松扉雙鶴立竹院一僧投
不計小人讐居鄉無所求
功名思汗馬心事許沙鷗
不計小人讐徐行百丈湫
相逢月姐至遺落水晶球
不計小人讐浮山獨卧遊
虫聲催月上鴈影逐雲流
不計小人讐柴門夜色幽
狂呼天際月照我過秋收
不計小人讐挑燈細唱酬
雨滋回岬樹煙鎖傲園樓

不計小人讐如封萬戶侯有時真動怒神鬼也生愁
不計小人讐已成風馬牛詩成還自笑信筆媿冥搜
有懷

殘陽細雨幾時休一醉今宵擬贈侯寄語天涯行路
客且拋名利卧丹丘

隨陳滄渡老親家過余滄來園亭

濃陰幕幕護幽棲一派書聲引路迷芳徑開時隨客
至板橋迴處有人題花難辨樹俱交影鳥不知名各
自啼滿眼文章無俗調亂紅雨後已成泥

元旦立春

歲始于朝又立春我心天意兩從新不言刻下歡辭
冷且笑時來喜離屯芒屨何須錢繫滿瓦盆便起酒
傾頻相期整頓閒情緒好向東郊狎野人

同趙轉蓬侯大章閒話

莫言身外是風塵筆落芳箋字字新舉世不嫌衣著
錦吾徒豈樂席陳珍寐時漿棹乘遊夢醒後圖書助
逸神契合及今如一日齊門鼓瑟愧人人

至西山訪牛茂林先生不值

暫辭幽獨啟柴關疑是狗名強出山祇為孤踪棲野
外故將跬步恩塵寰道旁荒寺無僧住澗上歌松有
鶴還寂靜几筵書帙整教予空羨白雲閒

同趙崇軒暨宗室鴈峰飲於廓如亭之外

主客能忘勢湖隄共飲醇且乘今日興不話此時人
裘馬非為富詩書豈是貧歡然成一醉西嶺月津津

贈史金沙先生

老仙何代謫紅塵蕙帶蘭紉細葛巾讀萬卷書胸磊
落博千場醉膽輪囷

祝莫溟南先生六十壽

華山雲岫商山壑遊跡由來貴天爵不向魏闕求顯
名脩然自得尋真樂語帶煙霞疑是仙珠江舊族人
稱莫四時佳興入毫端肯把經綸付蕭索姓字埋藏
恥俗知文章久已傳京洛日日看山不厭山代茅爰
築臨山閣閣上詩書擁百城閒課兒孫紹木鐸今秋
甲子慶初週梁孟齊眉盡鑠鑠自有寒梨來海上那
禁車馬驚棲鶴美矣哉知足原不羨簪纓得意何如
觀錢罇膝前玉樹盡凌雲窗外金風飄桂萼獻君酒

為君壽如君厚德天心祐總總蒼生雖未援一鄉喬
蔭恩多覆君今氣度養長山長山之樂足綽綽賤子
卮辭未盡言欣看南極輝帷薄鳳管鸞簫聲籠絡

題画竹

筆端疑有韻落紙即含風勁節隨毫長疎稍帶墨
形傳尺幅內情溢半空中宜作高人伴猶如倚翠桐

孫真人像贊

千金妙旨在心腔海藏通靈世少雙既濟爐中調聖
藥自然虎伏對龍降

